



**Future-proofing  
our children**

**Tlhomamiso 1**

**Setlhogo: Catholic Apostolic Church**

**Mokaedi wa motsadi**  
Sekolo sa Tshipi ithutelo lapeng



## Go Motsadi

O amogelesega mo Catholic Apostolic Church Tlhomamiso 2 thuto.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p><a href="https://bit.ly/3NACSSHS">https://bit.ly/3NACSSHS</a></p>
2	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> <li>• Baebele</li> <li>• Mokwalo wa thuto wa PDF o o setseng o baakantswe</li> <li>• Pena, metako le lekwalo la ngwana, etc.</li> <li>• Setshwantsho sa motshikhinyego se se leng thuso e nngwe</li> <li>• Katakasima le Dipotso le dikgarabo (bogolo jang mo batlhomamisiweng)</li> </ul> <p><b>Ela tlhoko:</b></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i></p> <p>2.3: Thuto e lebaganye (Batlhomamisiwa 2).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



## Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e:

Kgato	Tiriso
4	Dira seemo se se siameng, se se senang dikgoreletsi se wena le bana/ngwana le leng fa go tshwanang. <b>Sekai:</b> Nnang mo tafoleng.
5	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6	Kwala dintlha tse o batlang go di gakologelwa.
7	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8	Ruta ngwana wa gago thuto.
9	Supegetsa ngwana wa gago setshwantso sa motshikinyego mme o soboke molaetsa
10	Laela ngwana go dira tekeletso e mo lokwalong la gagwe la ikatiso (Le nna ke batla go.....)
11	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Ava

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng.



## Thuto

<b>Setlhogo</b>	Catholic Apostolic Church
<b>Maikaelelo a thuto</b>	Bana ba ithute gore tiro ya Modimo e godile jang ka nako y aba Apostolo ba nako tsa bofelo.
<b>Temana:</b>	Ditiro 1: 15–16, 20, 23, 26

### Tshoboko ya thuto:

#### Ketapele:

Tsatsi jeno re tla rutwa ka Catholic Apostolic Church. Re ya go ithita ka:

- Leina “Catholic Apostolic Church”
- Kanelo ya ntlha ya Mowa o Boitshepho
- Go tlhomiwa ga bathusi ba ba Apostolo le
- Ditlhabologo tse dingwe mo kerekeng

#### Kakaretso:

- Ka 1835, ba Apostolo baba neng ba bitswa ka seporofeto baile ba tlhomamisiwa.
- Ba ne ba fitlhelela mo baruting botlhe ba semowa le sekeresete.
- Ba ne ba bitsa baruti ba bangwe go sala morago ba Apostolo, mme ba bangwe ba gana.
- Diphuthego tsotlhe tse di neng tsa dumalana le ba Apostolo ba ne ba bidiwa Catholic Apostolic Church.

#### Diteng:

##### ***Leina “Catholic Apostolic Church”***

- Lefoko Catholic le tswa mo lefokong la Segerika le le reng “*katholikos*” le le rayang “Lotlhe” kana “Kakaretso” – lefatshe lotlhe.
- Apostolic le raya baApostolo.



### ***Kanelo ya ntlha ya Mowa***

- Kanelo ya ntlha e dirilwe k emo Apostolo Cardale ko London, England, le mo Apostolo Carlyle ko Frankfurt ko bogare ga, Germany
- Fela jaaka mo malatsing ano, mo Apostolo o ne a dira jalo ka go ba rapelela a ba beile diatla.
- Mme ka malatsi ao o ne o tshwanetse go bo o le dingwaga di le masome a mabedi le go feta ebile o ne o tlodiwa ka leokwane.

### ***Go tlhomiwa ga bathusi b aba Apostolo***

- Tiro ya Modimo e ne ya mme ya hekeetsa ba Apostolo go e dira ka botlalo.
- Ga ba aka ba tlhoma baApostolo ba bangwe ka gore ba ne ba dumela gore ba tshwanetse go nna lesome le bobedi fela.
- Ba dumalana go tlhoma bathusi b aba neng ba bidiwa coadjutors (go tswa mo leineng la se Latini le le raying bathusi).
- Ka taolo ya ba Apostolo, bathusi ba ne ba dira go tlhoma baruti le go kanela ka Mowa o Boitshepho.

### ***Ditlhabologo tse dingwe mo kerekeng***

- Ba Apostolo ba tsaya tshwetso ya gore go nne ba Apostolo ba le lesome le bobedi fela mo Nakong tse tsa bofelo, go fitlhela Keresete a tla, fela jaaka ka nako tsa ga Jeso ba ne ba le 12 fela.
- Ka jalo e ne e re fa mo Apostolo a swa go bo go sala go le phatlha.
- Mo lekwalong la Ditiro e bua gore phatlha—mob a Apostolong b aba neng ba tlhomilwe ke Jeso—e e neng ya bulwa ke lesa la ga Judas Iscariot e ne ya kabiwa ka go bidiwa ga ga Matthias. Barnabas le Saul (Paul) e ne ya nna ba Apostolo baba neng ba oketsa palo.

*Ditiro 1: 15–16, 20, 23, 26:* “Ya re mo malatsing ao, Petere a ema fa gare ga bakaulengwe, mme ga bo go phuthegile bontsi jwa batho, e ka ne e le 120, mme a re: 16“Bakaulengwe, go ne go tshwanetse gore lokwalo lo dirafale, lo Mowa o o Boitshepo o buileng ka lone gale ka molomo wa ga Dafite, wa bua ka ga Jutase, yo e neng e le mogogi wa ba ba tshwereng Jeso. Gonne go kwadilwe mo lekwalong lwa Dipesalema ga tse:“ ‘A boago jwa gagwe bo swafadiwe, a go se nne motho ope yo o agang teng;a motho o sele a tseye tiro ya gagwe ya tebelo

.’Mme ba emisa ba le babedi, e bong Josefe yo o bidiwang Baresabase, yo o ne a okelediwa leina la Jusetso, a na le Matiase. Ba ba laola ka bola; mme bola jwa supa Matiase; mme a balelwa mo baaposetoleng ba ba 11.”



- Ba Apostolo b aba neng ba setse ba ne ba tshwanelwa ke go dira tiro y aba ba tlhokafetseng.
- Go ne go na le diporofito tse di neng di bits aba Apostolo ba bangwe, mme ba di gana.
- Ka 1901 F. V. Woodhouse, mo Apostolo wa bofelo wa nako tsa bofelo a swa.
- Go ne go senam o Apostolo yo o ka tlhomang baruti kana a kana ka Mowa mo Catholic Apostolic Church.

### **Bokhutlo:**

- Ba Apostolo ba nako tsa bofelo ba ne ba solofetse Jeso go tla ka nako tsa bone ba santse ba tshela.
- Ba seka ba tlhoma ba Apostolo ba bangwe go fitlisa 12.
- Fa mo Apostolo wa bofelo a swa, bodiredi jwa palelwa ke go dira tiro ya jone.

### **Thuto e e raya eng mo go rona tsatsi jeno?**

- Badumedi ba Catholic Apostolic ba ka amogela bodiredi jwa ba Apostolo.
- Ba Apostolo ba ne ba dunela gore ba Apostolo ba tshwanetse go nna 12 fela gofitlhela Jeso a tla.
- Ba ne bag ana pitso y aba Apostolo le fa seporofito se ne se re go bitswe ba bangwe.
- Motho yo o neng a tshwere boruti o ne a swa, go sa swe boruti. Bodiredi bo nna bo le teng go dira tiro ya Modimo go fitlhela Jeso a tla.

### **A o itse gore?**

1. *Catholic Apostolic church e ne e sa direlwa go nna kereke e ntsha. Ka gore pitso ya bone e porofitilwe ba ne ba akanya gore bakeresete botlhe bat la latlela ba Apostolo.*
2. *Go ne go na le moporofita, Geyer yo o neng a amogela seporofito sa gore ba Apostolo ba bangwe ba bitswe.*
3. *Mo Apostolo wa bofelo wa nako tsa bofelo o sule ka 1901. E ne el emo Apostolo Woodhouse mme o ne a le ngwaga di le 96.*



**Thapelo ya ga mme le rre go e rapela pele ga thuto:**

*Modimo o rategang, ke lebogela letsasti le*

*Segofatsa batsadi le bana botlhe*

*Mma re ikutlwele boleng teng jwa gago*

*Segofatsa thuto e re yang go e amogela*

*Re kopa o re rute go go direla*

*Re thuse go dira thato ya gago*

*Gore re golele gaufi le wena*

*Romela Jeso go tla go re tsaya*

*Mme re bo re ipaakanyeditse go mo kgatlhantsha*

*Amen*